

Nefndarsvið Alþingis
Austurstræti 8-10
150 Reykjavík

Reykjavík 21. mars 2006

Varðandi: mál nr. 59 um jafnrétti til náms.

Álit Bandalags íslenskra námsmanna (BÍSN)

BÍSN tekur ekki beina afstöðu í þessu máli þar sem aðildarskólar félagsins eru bæði ríkisreknir sem og sjálfseignastofnanir. Þó viljum við minna á það að hvort sem skólagjöld eru til staðar við viðkomandi skóla eða ekki verður að tryggja að það hafi ekki áhrif á gæði námsins á einn eða annan hátt sem og að áfram sé stuðlað að jafnrétti til náms fyrir þá námsmenn sem kjósa að fara í skóla sem hafa skólagjöld með þeim hætti að lánað sé fyrir skólagjöldunum hjá LÍN.

F.h. BÍSN



Eyrun Jónsdóttir

Framkvæmdastjóri BÍSN



Alþingi
Erindi nr. P 132/1469
komudagur 27.3.2006

Menntamálanefnd Alþingis
Elisabet Rán Andrésdóttir
nefndarritari
Austurstræti 8-10
150 REYKJAVÍK

Reykjavík, 24. mars 2006
Tilvísun: HI06020044/004

Efni: Umsögn Háskóla Íslands um frumvarp til laga um breytingu á lögum um háskóla, nr. 136/1997. Lagt fyrir Alþingi á 132. löggjafarþingi 2005-2006, þingskjal 59, 59. mál.

Vísað er til bréfs menntamálanefndar Alþingis, dags. 1. mars sl., þar sem óskað var umsagnar Háskóla Íslands um framangreint frumvarp.


Efni frumvarpsins lýtur að einu afmörkuðu atriði, sem er tekjuöflun annarra háskóla en þeirra sem ríkið starfrækir. Í frumvarpinu er ekki fjallað um starfsskilyrði háskóla almennt og hvaða sjónarmið skuli ráða ákvörðun um fjárveitingar til háskóla sem búa við mismunandi starfsskilyrði. Opinber framlög til háskóla byggjast á sömu forsendum þótt starfsskilyrði þeirra séu ólík. Eins og fram kom í umsögn Háskóla Íslands um frumvarp til laga um háskóla sem nú liggur fyrir þinginu (þingskjal 654, 433. mál), telur Háskólinn nauðsynlegt að leiðrétta þetta þannig að allir skólar búi við sömu skilyrði og skýrt sé hvaða viðmið ráði fjárstýringu til starfsemi þeirra. Það gengur ekki öllu lengur að það fé sem háskólar hafa til ráðstöfunar til að standa undir kennslukostnaði sé mjög mismunandi eftir rekstrarformi þeirra.

Háskóli Íslands telur að ekki sé unnt að taka afstöðu til efnis frumvarpsins nema það sé gert í samhengi við stefnumörkun af hálfu löggjafans um fjármögnun og starfsskilyrði háskóla almennt. Afar mikilvægt er að Alþingi taki það málefni til umræðu og ákvörðunar sem byggir á mismunandi hlutverkum háskóla, eðli þeirra og starfsemi.

Í þessu sambandi verður að líta til þess að við Háskóla Íslands hefur í hartnær heila öld verið unnið að uppbyggingu háskólastarfsemi. Rannsóknatengt framhaldsnám, meistara- og doktorsnám, er nú helsti vaxtarbroddurinn í starfinu og eitt mikilvægasta stefnumál Háskólans. Þar er byggt ofan á grunn fjölbreytts náms til fyrsta háskólaprófs í ellefu háskóladeildum sem samtals bjóða upp á nám á yfir fimmtíu mismunandi námsleiðum. Viðgangur framhaldsnámsins er mikilvæg viðleitni til að styrkja starf Háskólans og stöðu sem alþjóðlega viðurkennds rannsóknaháskóla sem starfar í þágu þjóðfélagsins. Mikilvægt er að standa vörð um og rækta enn frekar rannsóknahlutverk Háskólans, ekki síst á þeim sviðum þar sem rannsóknir skila ekki við fyrstu sýn augljósum hagnaði þó í þeim felist mikil menningarverðmæti og þekking – og að Háskólinn skili með rannsóknum sínum bæði hugmyndafræðilegri umræðu og möguleikum til framþróunar og nýsköpunar til baka inn í

samfélagið, auk þess að verða samkeppnisfærari við erlenda háskóla. Margvíslegar grunnrannsóknir hafa skilað sér í hagnýtingu og nýsköpun í þágu þjóðfélagsins. Kennslu- og rannsóknarstarf Háskólans og stofnana hans er og hefur verið ein meginforsenda og stoð sjálfstæðs íslensks samfélags. Miklu skiptir því að efla og styrkja rannsóknahlutverk hans til að gera honum kleift að gegna hlutverki sínu sem æðsta menntastofnun þjóðarinnar. Öflugur rannsóknaháskóli er eitt frumskilyrði þess að efla samkeppnishæfni Íslands í vísindum, atvinnuþróun og menningu í þekkingarsamfélagi heimsins.

Virðingarfyllst

A handwritten signature in black ink, reading "Kristín Ingólfssdóttir". The script is cursive and elegant, with the first name "Kristín" written in a larger, more prominent hand than the last name "Ingólfssdóttir".

Kristín Ingólfssdóttir
háskólarektor

Nefndasvið Alþingis
Austurstræti 8–10
150 Reykjavík

Akureyri, 17. mars 2006

Vísað er í bréf menntamálanefndar Alþingis, dags. 1. mars sl. þar sem óskað er eftir umsögn Háskólans á Akureyri um frumvarp til laga um háskóla, 59. mál, jafnrétti til náms, skólagjöld. Háskólinn á Akureyri þakkar fyrir tækifærið til að láta í ljós álit sitt á frumvarpinu og er umsögn háskólans eftirfarandi:

Háskólinn á Akureyri tekur ekki efnislega afstöðu til þess skilgreinda máls sem frumvarpið fjallar um en vill þó benda á að stjórnvöld hafa búið háskólunum ólíkt fjárhagsumhverfi sem hefur mismunun í för með sér, einkum hvað varðar möguleika þeirra til tekjuöflunar. Þannig hafa einkaskólar á háskólastigi heimild til þess að innheimta skólagjöld en ríkisháskólum er ekki heimilt að afla tekna með þessum hætti. Fjárveitingar háskóla sem heyra undir menntamálaráðuneyti eru ákveðnar samkvæmt tilteknu reiknilíkani en þetta reiknilíkan nær ekki til landbúnaðarskóla á háskólastigi. Mælt er með því að Alþingi taki til umræðu og ákvörðunar fjármögnun háskóla almennt, þ.m.t. umræðu um skólagjöld, með það í huga að jafna aðstöðu háskóla, bæði ríkis- og einkarekinna, og tryggja sem best jafnrétti til náms.

Virðingarfyllst,



Þorsteinn Gunnarsson, rektor

Alþingi
Erindi nr. P 132/1494
komudagur 29.3.2006



Reykjavík, 16. mars 2006
0603005 sk

Nefndarsvið Alþingis
b.t. Elísabetar Ránar Andréðóttur
Austurstræti 8-10
150 Reykjavík

Efni: Umsögn um frumvarp til laga um háskóla

Kennaraháskóla Íslands hefur borist til umsagnar frumvarp til laga um háskóla, 59. mál, jafnrétti til náms, skólagjöld.

Kennaraháskóli Íslands tekur ekki efnislega afstöðu til þess afmarkaða máls sem frumvarpið fjallar um, en bendir á nauðsyn þess að Alþingi taki til umræðu og ákvörðunar fjármögnun háskóla almennt, þ.m.t. umræðu um skólagjöld, með það í huga að jafna aðstöðu háskóla, bæði ríkis- og einkarekinna, og tryggja sem best jafnrétti til náms.

Virðingarfyllst,



Svanhildur Kaaber
skrifstofustjóri, skrifstofu rektors



Alþingi
Erindi nr. Þ 132/1412
komudagur 22.3.2006

Alþingi
Elísabet Rán Andrésdóttir
nefndarritari
v/Austurvöll
150 REYKJAVÍK

Reykjavík, 21. mars 2006
Tilvísun: HI06030005/004

Umsögn Samstarfsnefndar háskólastigsins um frumvarp til laga um breytingu á lögum um háskóla, nr. 136/1997. Lagt fyrir Alþingi á 132. löggjafarþingi 2005-2006, þingskjal 59, 59. mál.

Vísað er til bréfs menntamálanefndar Alþingis, dags. 1. mars s.l., þar sem óskað var umsagnar samstarfsnefndar háskólastigsins um framangreint frumvarp.

Efni frumvarpsins lýtur að einu afmörkuðu atriði, sem er tekjuöflun annarra háskóla en þeirra sem ríkið starfrækir. Í frumvarpinu er ekki fjallað um starfsskilyrði háskóla að öðru leyti og hvaða sjónarmið skuli ráða ákvörðun um fjárveitingar til þeirra. Þess vegna telur samstarfsnefnd háskólastigsins sér ekki unnt að taka afstöðu til þeirra hugmynda sem fram koma í frumvarpinu.

Nefndin setur því ekki fram umsögn um þetta afmarkaða mál, en bendir hins vegar á nauðsyn þess að Alþingi taki til umræðu og ákvörðunar fjármögnun háskóla almennt.

Virðingarfyllst
f. h. Samstarfsnefndar háskólastigsins

Þórður Kristinnsson
ritari nefndarinnar

Alþingi
Erindi nr. P 132/1216
komudagur 9.3.2006

Nefndasvið Alþingis
b.t. Menntamálanefndar
Austurstræti 8-10
150 Reykjavík

Bifröst, 07. mars 2006

Efni: Álitsgjöf vegna þingskjals nr. 59, Frumvarp til laga um breytingu á lögum um háskóla, nr. 136/1997.

Viðskiptaháskólinn á Bifröst er andvígur þessari breytingartillögu og telur afar mikilvægt sjálfsákvörðunarréttur skóla hvað varðar skólagjöld verði ekki skertur. Háskólar verða að hafa fullt sjálfstæði, bæði í faglegum og fjárhagslegum málum.

Virðingarfyllst,

Runólfur Ágústsson, rektor
Viðskiptaháskólans á Bifröst